

Ný reglugerð um Sinfóníuhljómsveit Íslands var lögð fram í samráðsgátt þann 10. júlí 2020 og bárust umsagnir frá 6 aðilum.

Sérfræðingur á skrifstofu menningarmála og fjölmiðla tók saman þær athugasemdir sem bárust og bar undir framkvæmdastjóra og lögfræðing Sinfóníuhljómsveitar Íslands.

Að lokinni yfirferð var tekið tillit til tveggja orðalagsbreytinga. Í 2. gr. var bætt inn orðinu samtímatónlist og kynning íslenskrar tónlistar *þegar*færi gefast í stað *ef* færi gefast. Hljómar fyrsta málsgrein 2. gr. því þannig: „Starf Sinfóníuhljómsveitarinnar miði að því að auðga tónmenningu Íslendinga, efla áhuga og þekkingu á sígildri- og samtímatónlist og gefa landsmönnum kost á að njóta hennar, m.a. með viðburðahaldi sem víðast um landið og með tónlistarflutningi í útvarpi, sjónvarpi og streymi. Sérstaka áherslu ber að leggja á flutning og kynningu íslenskrar tónlistar, utan lands sem innan, þegar tilefni gefast.“

Aðrar athugasemdir sneru að lögunum sjálfum og hafa ekki áhrif á reglugerðina.

Lögð verður vinna í að rýna lög um Sinfóníuhljómsveit Íslands með tilliti til innsendra athugasemda.

Reglugerðin var undirrituð 30. október 2020 og birt í Stjórnartíðindum með númerinu 1205/2020.